



ASOCIACIÓN AS SAN LUCAS  
COLECTIVO MONDOÑEDO É...  
CONCELLO DE MONDOÑEDO

PREMIO

MONDOÑEDO<sup>10</sup>

Praza do Concello, 1  
27740 Mondoñedo (Lugo)  
655432511  
647468672 (tardes)  
reigosa@mundo-r.com  
fbouso76@gmail.com

## PREMIO “Mondoñedo 10”

A Asociación “As San Lucas”, en colaboración co Colectivo Mondoñedo É ... e o concello de Mondoñedo crean os premios denominados “Mondoñedo 10” co obxectivo de establecer vínculos permanentes entre a cidade e o concello que lles dá nome coas mellores obras de creación cultural producidas en Galicia e en galego na actualidade.

O prestixio decantado ao longo dos séculos por institucións e persoeiros de ascendencia ou residencia mindoniense, así como a recoñecida achega destes á cultura galega en xeral, xustifican a creación destes galardóns que se entregarán anualmente co fin de contribuír a salvagardar para a memoria do presente e do futuro da lingua e da cultura galegas aquelas obras que a xuízo do xurado correspondente merezan este recoñecemento.

Establécense dez modalidades que se sucederán ano a ano ata completar un ciclo, convocándose sucesivamente a partir de agora consonte ao seguinte calendario:

### Modalidades:

2016: Mellor obra de Narrativa en galego, publicada entre os anos 2006 e 2015.

2017: Mellor obra de Poesía en galego, publicada entre os anos 2007 e 2016.

2018: Mellor obra de Teatro en galego, estreada ou publicada entre os anos 2008 e 2017.

2019: Mellor obra de Ensaio ou Historia en galego, publicada entre os anos 2009 e 2018.

2020: Mellor obra de Música de autor/a galego/a estreada ou publicada entre os anos 2010 e 2019.

2021: Mellor obra de Plástica e Artes Visuais de autor/a galego/a, executada ou publicada entre os anos 2011 e 2020.

2023: Mellor obra de Tradución doutra lingua ao galego, publicada entre os anos 2013 e 2022.

2024: Mellor obra de Xornalismo Cultural en galego, publicada ou desenvolvida en calquera medio entre os anos 2014 e 2023.

2025: Mellor Persoa, Proxecto, Colectivo ou Institución do eido cultural galego entre os anos 2015 e 2024.

A partir da convocatoria correspondente a 2025 comezará de novo a rolda establecida, agás que a organización deste premio, previa consulta coas entidades colaboradoras, decidise algunha modificación.

A entrega do premio correspondente a cada convocatoria realizarase en acto solemne coincidindo coas Feiras e Festas das San Lucas dese ano.

O premio, que se entregará ao/a autor/a da obra seleccionada, ou, en caso de falecemento ou outra causa, a un representante designado polos herdeiros ou titulares dos dereitos da obra premiada, consistirá na entrega dun diploma acreditativo e dunha obra artística orixinal e única de autor/a de prestixio recoñecido.

A composición do xurado de cada convocatoria será decidida polos organizadores, atendendo ao tema da categoría proposta.



ASOCIACIÓN AS SAN LUCAS  
COLECTIVO MONDOÑEDO É...  
CONCELLO DE MONDOÑEDO

PREMIO

MONDOÑEDO<sup>10</sup>

Praza do Concello, 1  
27740 Mondoñedo (Lugo)  
655432511  
647468672 (tardes)  
reigosa@mundo-r.com  
fbouso76@gmail.com

### **Bases Premio “Mondoñedo 10” 2016. Modalidade: Narrativa.**

**1ª.**-Na edición correspondente a este ano 2016, o Premio “Mondoñedo 10” convócase na modalidade de Narrativa á mellor obra escrita orixinalmente en galego e cuxa primeira edición fose publicada en calquera soporte nos 10 anos anteriores ao desta convocatoria; ou sexa, entre 2006 e 2015, ambos inclusive.

**2ª.**-Só serán obxecto de deliberación os títulos propostos en prazo e forma polos membros do xurado que terán opción de propoñer en cada caso un máximo de dúas obras.

**3ª.**-Terán a consideración de finalistas (relación que se fará pública nas xornadas previas ao fallo), aquelas obras que figuren nas propostas remitidas por escrito polos membros do xurado ao presidente do mesmo no prazo e forma que se estableza oportunamente.

**4ª.**-Será proclamada gañadora a obra que despois de sucesivas roldas de votación, excluindo a cada volta a que obteña menos votos, aquela que reciba a maioría de votos na votación definitiva.

**5ª.**- Nin o presidente do xurado, como membro permanente do mesmo, nin o secretario, poderán propoñer obras, nin votalas.

**6ª.**-Calquera cuestión relacionada ou non prevista nestas bases será resolta polo presidente do xurado, previa consulta aos membros do xurado, e será inapelable.

**7ª.**-Este xurado reunirase en Mondoñedo o 16 de outubro de 2016 en hora e lugar a fixar pola organización. Unha vez producido o fallo, o seu presidente comunicáralle á persoa ou persoas premiadas a decisión, así como a hora e lugar onde se realizará a entrega en acto público deste premio.

**8ª.**- Composición do xurado para a edición correspondente ao ano 2016, modalidade Narrativa.

Presidente: Antonio Reigosa Carreiras, cronista oficial de Mondoñedo.

Vogal: Presidente/a, ou persoa en quen delegue, en representación do Consello da Cultura Galega.

Vogal: Presidente/a, ou persoa en quen delegue, en representación da Real Academia Galega

Vogal: Presidente/a, ou persoa en quen delegue, en representación da Asociación de Escritores/as en Lingua Galega (AELG).

Vogal: Presidente/a, ou persoa en quen delegue, en representación do PEN Clube Galicia.

Vogal: Presidente/a, ou persoa en quen delegue, en representación da Asociación Galega de Editoras.

Vogal: Presidente/a, ou persoa en quen delegue, en representación da Federación de Librarías de Galicia.

Vogal: Alcalde/sa, ou persoa en quen delegue, do concello de Mondoñedo.

Secretario: Fran Bouso, designado pola organización deste premio.

Mondoñedo, 8 de setembro de 2016